

subscribitur: *Explicit responsio fratris Nicolai de lira ad quendam Judeum ex verbis evangelij secundum Mattheum contra christum nequiter arguentem.*

CXI.

R. 3325 Codex membraneus lat. theotif. Sec. XI. Folior. 134. 4. eleganter scriptus et minio distinctus, olimque Coenobii *Lunaelacensis* O. S. B. in *Austria* super. nunc extincti sequentibus pollet. I. litera quadra: *In Nomine Sanctae Trinitatis Et Unius Deitatis Incipit Clossula De Hebraicis Nominibus Graec. Et Lat.* Ita: *Ἰησους.* hebraice dicitur. *Sother.* grece. *Saluator.* latine. *Item Messias.* hebr. *Xēs.* grece. *Unus.* lat. interpretatur. *Sabaoth.* exercituum. siue uirtutum interpretatur. *Michabel.* qui sicut deus. *Gabriel.* fortitudo dei. *Raphabel.* medicina dei. *Adonay.* Omnipotens. *Hel.* deus. *Adam.* homo. siue terrigena. uel rubra terra interpretatur. *Aeua.* uita. siue calamitas. haec edendo homini uitam attulit. & transgrediendo calamitatem. sicut mulier. aliis interdum uita. aliis calamitas. Raro ejusmodi observationes insperguntur. *Nominibus Personarum* succedunt hae Rubricae: *De Diuersis Rebus. De Gentibus. De Locis. De Fluminibus. De Mensibus. De Solemnitatibus. Anni. De Uolatilibus. De Ponderibus. De Mensuris. De Grecis Nominibus. De Principatibus Hieronimi,* puta ex ejus Scriptis. *De Hospitiis. Expositio Grecorum Verborum,* quod falsum,

quia mera hebraea sunt excepto *Agmon,* quod redditur *Episcopus,* corruptum, ut videtur, ex *Ἡγεμων.* Successu temporis hae Rubricae in unum commune Alphabetum confluxerunt, ut videre est ad calcem *Bibliorum* Sec. XIII. XIV. &c. scriptorum. Tria hic adhaerent: primo *Incipiunt Formata Episcoporum,* ratio nempe illa ab *Attico* Patriarcha *CPolitano* edita graecis literis numerorum loco utendi, de qua dixi *Vol. I. P. 3. col. 2988.* dein *Alphabetum* graecum fat deformatum addito valore numerico, demum VII. *Peccata,* totidemque *Poenae Adami et Caini.*

II. fol. 9. *Incipiunt Clossae Super Uetus Et Nouum Testamentum Breuiter Excerptae Singulartiter De Difficillimis Uerbis.* Ne de praestantibus his ad *Theaurum Linguae Theotifcae* accessionibus hic verba faciam, praeuertit doctissimus *Bern. Pezsius,* qui eas *T. I. Thes. Anecd. P. I. col. 319.* cum *Eruditis* communicavit. Illud modo monendum est, ea, quae non theotifce, sed latinis aut Synonymis, aut Periphrasibus exponuntur, majorem totius *Traetationis* partem constituere, id quod praesertim e fine *Geneseos,* et tota *Apocalypsi* manifestum est.

III. fol. 123. *Incipit Somnialis Liber Sancti Danielis Prophete Qui In Babilonia In Diebus Nabuchodonosor Regis. Haec Est Uisio Terrea.* De hoc vanissimi *Impostoris* commento agit *Fabricsius* in *Cod. Pseudepigr. V. T. p. 1130.* Exemplar praesens constat Sen.

Sententiis CCXLI. et incipit: *Auem in somnis qui uiderit & cum ipsa pugauerit, litem aliquam significat. Asinum uel bedum uiderit, crementum negotii significat. Aui aliquid rapuisse, damnum significat. &c.* Extrema sunt: *Cepas in somnis uidit, oculorum dolorem significat. Zona aurea cingere inuidiam significat.* In Alphabetum quodammodo redactae sunt Sententiae, sed quod pluries ad caput redit.

IV. fol. 129. p. 2. *Haec Sunt Sortes Sanctorum Quae Numquam Fallunt Recta Scrutantes Si Cum Ieiunio Et Oratione Peraguntur.* Istud uidelicet collyrium solet oculis rudium illini. Duae Series sunt Oraculorum duabus fanis *Orationibus* ad Deum, quarum prior *S. Martini* dicitur, interceptae. Nec in ipsis Oraculis aliquid improbi. Ita autem ineunt: *C. C. Animum tuum nunc dubitantem esse uideris. sed postmodum deo adiuuante perueniet, ubi, & obtinebis, quae cupis.* V. *De quo consules, crede constanter, quod peruenit ad te, quod speras.* III. *De quo cupis, deum interrogas. Ipse te adiuuet, ut perueniat, quod desideras.* &c. Numeri praefixi, ut puto, ex urna quadam a consulentibus temere protrahebantur, quo facto illis promulgabatur Effatum. Tò *Sanctorum* titulo additum callidis superstitionum patronis instar scuti seruisse videtur, quo tela a tot Patribus et Synodis in Sortilegium coniecta exciperent.

Ad Codicem intus conuestiendum adhibitae sunt Lacinae *Computus Bedae* eod. Seculo scripti,

et in fronte praeter alia inania legitur: *Anno domini Millesimo Trecentesimo LXXIII. in die Antonij conf. per manus Fridrici wistalarij de salczburga.*

CCXII.

Codex membraneus lat. Sec. R 53. XII. Folior. nunc 37. 4. per duas columnas minutius, sed nitide scriptus, rubricis, literisque initiorum picturatis distinctus, et *Neapoli ex Archivio SS. Apostolorum, Clericorum Reg. vulgo Theatinorum* a. 1716. ad nos translatus, ut praeuie testatur *D. Eustach. Caracciolus*, hoc titulo miniato gaudet: *Incipiunt yfagoge petri monachi in theologiam. ex dielis sanctorum patrum.* Unicus Autoris scopus est, ostendere, quotuplici significatu Vox quaelibet biblica venire possit. *A Deo* exorsus per *Angelos* et *Regnum Dei* ad *Hominem* delabatur, quem membratim et paene *diatomus* recenset, tum ejus aetates, sexum, generationisque respectus pervadit, donec Codex in vocabulo *Soror* abrumpatur. Lique hinc, vastum sane Opus fuisse, si modo illud *Petrus* pertexuit. Quis vero ille? Novi, *Petri Piclavienfis Allegorias super V. et N. Testamentum* ferri a *Lelongio, Oudino, Fabricio*; at is *Monachus* non fuit. Aetas illi Sec. XII. non anterior; *Brunonem* enim Sec. XI. Scriptorem saepius excitat. *Gregorius M. et Cassiodorus* praecipui ei fontes; legas tamen et *Hieronymum, Augustinum, Johannem Os aureum, Rabanum, Paschasium,*